


國立故宮博物院珍藏



清代起居注冊

咸豐朝


第九冊

國立故宮博物院珍藏

清代起居注冊

咸豐朝

第九冊



咸豐二年十月上	咸豐二年十月下	咸豐二年十一月上	咸豐二年十一月下
四九一七	五〇五五	五二〇九	五三五七

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72·12·0650

清代起居注冊

咸豐朝第九冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號
電話：七六〇一六六一二一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇〇元

序

新學社
PDG

咸豐二年歲次壬子十月初一日戊寅

上詣

太廟行禮是日吏部將九月分月選官員翰林院待

詔蔣槐午等八員帶領引

見奉

諭旨翰林院待詔員缺著蔣槐午補授廣西柳州
府通判員缺著志曾補授雲南彌勒縣知縣員

缺著戴肇辰補授江蘇陽湖縣知縣員缺著吳
謙吉補授直隸安肅縣知縣員缺著劉存恩補
授山西夏縣知縣員缺著陳晉吉補授魯芝戴
榮桂俱著發往江西以知縣用又將截取舉人
黃淑瓏等二員帶領引

見奉

諭旨黃淑瓏陳保泰俱以知縣用是日內閣奉

諭旨成凱等奏較閱宣夏八旗滿蒙官員軍政請
將逾歲官員留任一摺此次宣夏軍政協領法
福禮佐領知綱額防禦烏蘭布雖已逾歲身體
尚壯精力未衰著准其留任該部知道摺單併
發是日

起居注官訥爾濟奎章何廷謙史淳

初二日巳卯

序

上御紫光閣

閱武進士馬步射是日內閣奉

諭旨養心殿東佛堂圓明園殿均應供奉

皇考宣宗成皇帝

皇妣孝全成皇后神牌所有涓吉恭製並一切應行

事宜著該衙門敬謹豫備又奉

諭旨本日看箭乾清門三等待衛托雲中箭五枝

著加恩賞給二等侍衛又奉

諭旨賽尚阿等奏各路官兵攻勦賊匪情形一摺
據稱賽尚阿到長沙以後嚴飭諸軍剋期進勦
向榮親督各兵由排頭口與朱啟仁潮勇並馬
龍秦如虎明安泰等至龍迴潭見家河等處攻
河西岸之賊和春秦定三常祿李瑞經文斌王
錦繡等督率兵勇由金盆嶺新開鋪至妙高峯

西湖橋黃土嶺等處攻省城外之賊寨尚阿張
亮基等密飭鄧紹良挑帶鎮筵鎮官兵與光祿
寺署正勞文翺帶勇出焚賊巢疊次各殲斃多
名奪獲黃旗器械多件向榮復督官兵從牛頭
洲上之江神廟一帶涉淺渡河與馬龍王家琳
等進攻賊營兵勇槍礮齊施賊匪紛紛倒地燒
燬賊踞村房數處等語現在徐廣縉計已行抵

湖南大營著會同羅繞典張亮基等嚴飭在事
文武各員分帶兵勇趕緊攻勦毋得稍有遲延
致賊竄逸陣亡儘先參將蕭逢春都司姬聖脈
奮勇捐軀殊堪憫惻著交部從優議卹餘著照
所議辦理又奉

諭旨前據羅繞典等奏查明長沙城外勦賊陣亡
各員當經降旨將總兵福誠副將尹培立等交

部從優議卹茲據賽尚阿等奏續行查出七月二十八日陝西官兵在長沙城外石馬鋪地方遇賊衝撲尚有守備程大振等打仗同時陣亡該員等聞賊竄赴長沙中途截勦使省城得以豫為設防奮勇捐軀深堪憫惜所有陣亡之署陝西撫標右營守備甘肅紅城堡守備程大振等均著交部從優議卹以慰忠魂片併發又奉

諭旨張亮基奏請將清查藩庫之委員量予鼓勵
一摺湖南省藩庫款目繁多該員等自委辦以
來數月之內一律清查完竣辦理尚為妥速自
應量加鼓勵湖南候補知府長沙府同知陸咸
升永桂理謠通判陳炳均著交部議敘麻陽縣
縣丞周悅著以應升之缺即行升用該部知道

又奉

奉

諭旨御史富興阿奏籌餉條款內革職文武各員
捐復降捐請稍為推廣定以限制一摺著該部
覈議具奏又奉

諭旨王懿德奏叅疎防搶劫重案員弁一摺本年
八月間福建建安縣有盜匪二十餘人行劫齎
摺差弁並將同行商民搶劫多贓復拒斃護拏
兵勇二名該管各官既疎防於前又不能將盜

犯全數弋獲捕務實屬廢弛署建安縣知縣高
會嘉署建寧中營把總左營外委吳殿標署協
防外委額外李春魁均著撤任除高會嘉業經
另案摘去頂帶外吳殿標李春魁著一併摘去
頂帶留於該地方勒限兩箇月飭令嚴緝贓盜
務獲究辦儻限滿無獲即著從嚴叅辦該部知
道又奉

諭旨此案著交王懿德督同臬司親提人證卷宗
秉公嚴訊確情按律定擬具奏原告民人黃鍾
潔黃源芳該部照例解往備質又奉

諭旨這所叅疎防擒匪肆搶之安徽盱眙縣知縣
湯敏中署盱眙縣典史張世橋調署盱眙縣汛把
總王履方濶溪汛額外孫作霖均著先行摘去
頂帶勒限嚴緝賊賊務獲究辦儻限滿無獲著

即嚴叅該部知道是日吏部題內閣侍讀學士
員缺開列請

簡一疏奉

諭旨文彩補授內閣侍讀學士是日兵部題咸豐
二年壬子科順天武鄉試外場監射大臣開
列請

欽點一疏奉

奉

諭旨這辰字圍奕縉監射趙光較射宿字圍柏菴
監射王慶雲較射字圍奕湘監射恩華較射張
字圍花沙納監射張錫庚較射又題順天武鄉
試外場監試御史開列請

欽點一疏奉

諭旨武場監試辰字圍著瑞昌去宿字圍著張煒
去列字圍著隆慶去張字圍著黎吉雲去是日